

周
官
心
解

周官心解卷第十八

諸暨楊莊蔣載康闢訂

後學湯寅校刊
從姪士淵

夏官司馬第四之二

○大司馬之職掌建邦國之九灋以佐王平邦國

建立九灋使守

之而不敢犯邦國乃無反側之變所謂平也不平則有下九伐之灋在制畿封國以正邦

國畿音所徐氏曰制九服之畿封五設儀辨位以等

邦國諸侯及諸臣之位不同無以辨之相見時乖爭易起儀即九儀冕服車旗之各依命數者設儀以立

其辨則尊卑之等進賢興功以作邦國作振起之進賢明而乖爭自息也興功固主諸侯

然司士三歲稽其臣而進退則并作其臣鄭剛中曰見於德行之謂賢見於事業之謂功賢可尊七命進八命之牧八命進九命之伯功可錄或加之地或進之律進賢則不賢者勵興功則無功者奮按作作其賢與功

建牧立監以維邦國監古銜反。牧州牧監天子大夫監一州之政者一州之國統於牧

而天子之大夫監之則州政之繫屬於牧者即繫屬於王朝所謂維也制軍詰禁以糾邦

國詰去吉反。大國三軍次國二軍小國一軍制之以守邦而威敵然不得擅興以相侵伐故嚴立軍禁以

禁之若違禁興師即以王命發所制之軍詰其罪而討之之所以糾之而令不敢肆也秋官大行人時會以發四

方之禁王欲討諸侯之罪令四方諸侯起軍行伐特命去禁也九瀦中此為最嚴施貢分職以

任邦國貢即十二額貢而祀嬪九者亦該焉施核地大

諸侯共役分職小遠近以令貢也職諸侯役職若築城邑等皆均施貢分職皆任以財力之所能堪也簡稽鄉民以

用邦國

此王有征伐而用諸侯之師也取鄉民訓練精簡者擇其強武稽則並餘者數之令國有備也

均守平則以安邦國

守天下要地當守及弱國當助之守者則子男及都鄙均平令大侯

守多小國守少都鄙無令多役皆是

比小事大以和邦國

比毗志反。註比猶親使大親

小小事大相和合也按即大行人歲問殷聘世朝之禮

以九伐之濊正邦國

九伐之濊以不遵九濊而加誅正之為言征也蓋征其不正以正之註諸

侯於國如木有本是以言伐

馮弱犯寡則眚之

馮皮冰反眚史梗反恃強乃馮弱恃眾

乃犯寡伐而眚之令失馮犯所恃也註

賊賢害民則伐

眚猶人眚瘦也王霸記四面削其地

之九者皆伐而此專言伐蓋天子建侯主於養民而用賢則養民之要也賊則誅戮賢人矣害民則橫政暴

斂嚴刑酷罰可知全失天子建侯本意直言伐聲暴內其罪惡令諸侯為戒也伐之言罰亦加貶斥可知

夏官

大司馬

二

經筵堂

陵外則壇之

壇作壇音善。賊賢害民以暴於內，馮弱

之，王霸記置之空壇之地，按更立賢

野荒民散，則削

之。此則荒淫情慢，不能為治

者，註削其地，明其不能有

負固不服，則侵之。恃地險

事，天子也。侵者，潛師入境，奪其所恃，罰之。賊殺其親，則

正之

同族有罪，死則以罄刑，亦不宮。況至親而甚之以

正也。周道親親，懲不親親之罪，故眾

放弑其君，則殘之

著之。死刑貶削，則視其罪為輕重。放弑其君，則殘之

放弑有二項，如突出忽，商臣弑頹，放弑而自立者也。在

臣，則如意如逐昭，崔杼弑莊，皆罪大惡極，不容於死。殘

則或磔，犯令陵政，則杜之。令，王命令之所禁，故犯之政

或轅矣。犯令陵政，則杜之。王命所布，陵侮而加之，紛更

不臣甚矣。此強大之國，有附從者，杜以兵阻截。外內亂

其交通之道而伐之也。此罪亦重，科斷當不輕。外內亂

鳥獸行則滅之

行下孟反。外亂如陳靈之於夏姬內

鳥獸況外內交亂者乎此猶齊之慶封慶舍不遵宗而妻盧蒲癸封與盧蒲葵又易內飲酒一宗皆淫亂無別者也其後慶氏奔吳楚人執封而盡滅其族天道惡淫故受禍如此先王以天心爲心特用最重之灋以罰之滅者殲其淫族革其封國竝先世之祀亦斬矣王者重滅國如先世功德大意仍立旁支以奉祀與九伐皆用師行罰伐侵杜伐明而罰不著皆壇削正殘滅罰明而伐不著互見也

正月之吉始和布政于邦國都鄙乃縣政象之灋于象魏

使萬民觀政象挾日而斂之

縣音懸挾子協反。疏政九灋九伐并下凡拿賦以

下皆此時布之按下小司馬正歲當有帥政官之屬觀政象之灋徇以金鐸曰不用灋者國有常刑云云惜此官闕無可稽耳

乃以九畿之籍施邦國之政職。方千里曰國畿。其外方五百里曰侯畿。又其外方五百里曰甸畿。又其外方五百里曰男畿。又其外方五百里曰采畿。又其外方五百里曰衛畿。又其外方五百里曰蠻畿。又其外方五百里曰夷畿。又其外方五百里曰鎮畿。又其外方五百里曰藩畿。

周制十畿。此言九畿。指侯畿以外封國者言。不數國畿也。此與禹貢制亦殊別。禹貢甸服就一面說。方五百里爲甸服。卽侯服至荒服。每服皆云五百里。則亦皆就一面說。合兩面五百里皆千里也。周之十畿皆就兩面說。國畿曰方千里。與禹貢甸服恰合。外此自侯畿至於鎮畿。皆曰其外方五百里。則合兩面二百五十里。數之適五百里耳。故禹貢五服合五千里。周十畿合五千里。多禹貢止五百里。不甚相遠也。方千里國畿。開

方千里也。方五百里。四面合五百里。以一面論爲二百五十里也。自甸畿至蕃畿皆準此。漙出於政典而邦國以聽譌爲職。故曰政職必以九畿之籍施者。謂發於附近之畿。不令遠役也。周時九畿最近爲侯甸男。次之爲采衛蠻。最遠爲夷鎮蕃。畫分三限。侯甸男三畿諸侯望重禮優。卽明堂位所謂上公中階之前諸侯東階諸伯西階諸子門東諸男門西者。於巾車則金象二路所封者也。采衛蠻三畿卽明堂位所謂九采之國。居應門以內者。於巾車則革路所封者也。巾車不言采蠻而言四衛。舉中也。自國畿至蠻蠻開方得四千里。是爲中國大限。夷鎮蕃三畿卽明堂位分居東南西北四門之外者。於巾車則木路以封者也。巾車言蕃國舉外以包內。雖於此三限別尊卑之分。嚴中外之防。而不遠役諸侯之意。亦見於此矣。而於此尤見守職之安固。在外有夷鎮蕃三畿之守。則九州安。次之有采衛蠻三畿之守。則近國畿之邦國安。國畿又有侯甸男三畿之守。則國畿安。以方千里之國畿內總六鄉六遂之眾。而家稍縣都三采之兵守翼衛之。居重以馭輕。國畿不安於泰山也哉。

疏蠻以上六服中國之九州已外是夷狄諸侯蠻服大
行人云要服亦要束以文教也夷鎮蕃三服總號蕃服
大行人九州之外謂之蕃國世一見指此三服也又
按此經所施全是政職若施貢具前九瀆中主其納者
在大行人茲不須贅矣或云此卽上施貢分職以任邦
國誤矣又云下令賦卽簡稽鄉民以用邦國夫簡稽之
瀆亦該下經而施令以令之
奉職仍具此經何其昧也

凡令賦以地與民制之上地食者參之二其民可用者家
三人中地食者半其民可用者二家五人下地食者參
之一其民可用者家二人也賦兵賦令賦以賦民之瀆令
地卽上中下地民卽家七人六人五人土地田百晦萊
五十晦必家七人乃授中地田百晦萊百晦家六人乃
授下地田百晦萊二百晦家五人乃授所謂以地與民
制之也上地萊三之一故食者三之二中地萊半故食

者亦半下地萊三之二故食者三之一也可用丁壯任
戰者也小司徒言可任兼徒役說故不同耳其實不異
也家三人二家五人家二人數不同者以上地家七人
中地家六人下地家五人故然亦約其大數非定限用
之之灋不據長少惟取技勇家選一人家三人則舍二
人二家五人則舍三人家二人則舍一人仍令居家力
田且守國也周制鄉遂致民不同惟田與追胥鄉民則
三人二家五人及二人盡起遂民每家二人若供役與
師惟取家一人無鄉遂之別此令賦是與師用民之灋
家取一人者不論六鄉六遂三采鄉遂及諸侯之國皆
同故簡稽邦國鄉民亦該灋中或曰經何以不著家取
一人曰例見小司徒起徒役無過家一人且下文方敷
陳四時之田此正須正羨
竭作不使文理隔絕也

中春教振旅司馬以旗致民平列陳如戰之陳

中音仲陳直順反下

並同。凡師入曰振旅中春教振旅農事已興欲休武
事也以旗致民樹而張之期民於其下質明弊旗後至

者諫司馬卿也。旗卽櫓。民皆至。乃列陳。平者。有司整齊之令。前後左右中部伍森嚴。不參錯也。若王親在軍。此旗則用大常。○辨鼓鐸錫鐃之用。王執路鼓。諸侯執賁。與大師等。

鼓軍將執晉鼓。師帥執提。旅帥執鼙。卒長執饒。兩司馬

執鐸。公司馬執鐸。錫直角反。饒乃交反。賁扶云反。將子匠反。帥所類反。提徒兮反。髀竝兮反。

長知丈反。疎辨鼓鐸者鼓雷之類象中春雷發聲按此及下二辨皆司馬主之號名旗物亦別而所重在鼓鐸故特辨之師行進退在於金鼓切要之用允宜先辨況中春震卦應時之候乎鼓鐸等以尊卑爲差等王執路鼓雷靈之外此爲最尊卽路門所擊故王執之諸侯畿內大都之君尊於軍將故執賁鼓鼓師云賁鼓以鼓軍事諸侯旣執賁鼓軍將不得不降而執晉鼓晉鼓誠鼓金奏然晉進也師以進有功故軍將執之師帥執提旅帥執鼙統於軍將故執提執鼙也按軍將孤卿卽師帥旅帥亦中下大夫故皆執鼙卒長以下則士而已卒

長以上士而執饒兩司馬以中士而執鐸公司馬下士執錫四金之最卑也又軍將主於晉鼓然晉鼓以下二鼓三金皆具此按之大○以致坐作進退疾徐疏數之間時而一一可見者

節教音促。註習戰。按此八節。全後大閭中。一一可按。

遂以蒐田有司表貉誓民鼓遂圍禁火弊獻禽以祭祀蒐

優反貉如字弊平世反。疏蒐搜也春時鳥獸字乳搜取不孕者故以蒐名按貉如字讀祈多獲禽也讀伯讀禱非是伯是祭馬祖禱是祭兵當在車徒未陳之先此四時田獵表貉皆在教戰之後將田之頃則顯爲獲多祈祀矣春官司几筵云祭表貉熊席熊正獲禽也此可推也幽風一之日于貉與此大閭同時亦因田而表貉也作本字讀此斷然者有司甸祝也甸祝掌四時之田表貉之祝號註表貉立表而貉祭也誓民誓以犯田瀆之罰按此大司馬主之有司表貉訖司馬卽誓民也禁山虞澤虞守禽之屬禁火弊火止也四時之田皆用火

牧師凡田贊焚萊知不惟春蒐用之矣特言火弊者火弊而車亦弊聽其竄逸順發生也獻禽獻之國中也獻禽與致禽皆甸祝主之春夏言獻秋冬言致互文見義也解見下冬狩春田祭社祈歲豐秋社於此例見亦祠廟例見於祠烝

中夏教茭舍如振旅之陳羣吏撰車徒讀書契辨號名之用茭蒲末反撰息轉反注讀作算。茭舍結陳而止舍草閒夜宿也夏日晝暑夜則暑減且野宿不須繭續諸具教茭舍亦順時也如振旅之陳亦致旗而平其列陳也羣吏師帥以下皆是撰數也車車士徒徒卒既陳令羣吏分數之公司馬數伍而土於兩司馬兩司馬上卒長卒長上旅帥旅帥上師帥由下而上片時可竟讀書契亦撰時讀之書契於木而兩分之一繫車士徒卒臂一存所統帥以備核勘讀之令知之而不忘也辨號名之用全因夜中○帥以門名縣鄙各以其名家以號皆暗難撰故主此

名鄉以州名野以邑名百官各象其事以辨軍之夜事

帥軍帥卽孤卿王城十二門有大故三公三孤六卿各帥隸門之士庶子及其眾庶守之平時各登簿籍及師田時卽帥隸門之眾爲親軍故帥以門名也縣鄙卽遂言縣鄙遂統縣縣統鄙各以其名卽遂眾可不惑也家邑大夫采地舉家卽該大小都家與大小都各有號各以號名而大都小都家邑之兵乃可不惑六鄉各統五州以州名卽六鄉之眾可以不惑野甸地也甸制公邑令各以邑名卽甸地之眾可以不惑百官從王士大夫也如五馭五右犬僕虎賁旅賁司右及大夫士乘王倅車者各職事不同象其事各象其事而畫之而百官所領以從王者皆可不惑也由縣鄙各以其名例之可知州下統黨黨亦異名也家邑大小都及野邑百官亦當如此此六號名皆畫於旗帥以門名則畫於旛縣鄙以下如爲中軍則畫物爲右軍則畫旗爲前後軍則畫旗畫旂以州名以邑名者亦然若百官各象則畫於犬常也惟以號名之大都如諸侯親帥第畫於旂以爲左

軍因田芟舍。不過守蟄。邀巡等事。若居戰地。則不測之變。夜中甚多。皆於此教之。故軍之夜事。必辨也。○

其他皆如振旅。

主光遠曰。若平列陳。教坐作進退疾徐疏數之節。

遂以苗田如蒐之灋。車弊獻禽以享祔。

祔餘若反。王光遠曰。夏田爲苗。除

禽獸之害。苗者。如蒐之灋。則表貉。晉民鼓圍禁之類。皆與蒐同。註。車弊。驅逆之車止也。示取物希。皆殺而車止。按。車弊而羅亦弊。不欲遮截以盡之。順長養也。蓋夏獸多羈。車之驅逆爲大者耳。若小者。不必其入網也。故以車弊爲止殺之節。祔。宗廟夏祭。

中秋教治兵。如振旅之陳。

疏。凡兵出曰治兵。秋以出兵爲名。尚威也。

○辨旗物

之用。王載犬常。諸侯載旂。軍吏載旗。師都載旛。鄉遂載物。郊野載旐。百官載旗。各書其事。與其號焉。其他皆如

振旅

書音畫。秋時物皆鮮澤，故特辨旗物，此與司常大閱所頒惟王之犬常諸侯之旂不異耳。軍吏小

司馬以下佐大司馬治軍者也。帥家稱之眾為右軍，故載旗載旛者，孤卿為中軍將者也。師都孤卿采地之眾帥之以為已親軍，載物中軍以大夫士帥之，故載物也。鄉鄉民居王城者，遂遂民析鄉遂之眾，士大夫帥之以為中軍郊近郊鄉民遠郊遂民野甸地民，殿軍合集三者載旛為後軍也。百官王從官亦大夫士帥從王之眾為前軍也。百官居前王當帥親軍繼之，居中軍之前而中軍又居王後可知矣。此諸侯大都之君與在外邦國不同，載旛帥大都之眾仍為左軍，故也。書註讀畫謂畫所事與號於旗也。

遂以獮田如蒐田之灋，羅弊致禽以祀祊。

獮息淺反，祊音方。註秋田為

獮，獮殺也。按物成可殺，且順殺氣也。羅弊，網止也。車弊而網猶未弊，驅逆未得而投網亦取之也。祊，祭四方也。秋成報祀，春祈於此例見。

中冬教大閱

軍用不外鼓鐸號名旗物三者行軍亦不外治兵芟舍振旅三事既分習於先至此乃總

前此所習而閱視之故曰大閱中冬子月正北陰盛於此大閱順陰盛之氣也

○前期羣吏戒

眾庶脩戰灋

大閱事盛灋嚴故豫脩戰灋於前羣吏帥以下統眾庶者戰灋即振旅芟舍治兵

三○虞人萊所田之野爲表百步則一爲三表又五十

步爲一表田之日司馬建旗于後表之中羣吏以旗物

鼓鐸錫鑾各帥其民而致質明弊旗誅後至者乃陳車

徒如戰之陳皆坐

乃陳之陳如字。萊芟除草萊田於山山虞萊之田於澤澤虞萊之註後

表之中五十步表之中央表以識正行列四表積二百五十步致致之司馬按司馬以旗致民而羣吏致之司

馬也旗物秋所辨兼號名鼓鐸春所辨司馬將閱其辨也註質正也弊仆也按陳亦平之可知皆坐俟令亦旗

弊乃坐。陳於後表之北。建旗。乃陳旣弊。旗車徒始坐。陳車徒如戰之。陳句。包司常贊司馬。頒旗物一段。王建大常。諸侯建旗。孤卿建旂。大夫士建物。師都建旗。州閭建旗。縣都建旗。道車載旂。旂車載旌。○羣吏

聽誓于陳前。斬牲以左右徇。陳曰。不用命者斬之。羣吏

於陳前。南面向表。聽司馬誓也。牲。羊牲。斬牲者。小子。○疏。士卒於後表北面坐。羣吏在士卒前。南面立聽誓。○

中軍以聲令鼓。鼓人皆三鼓。司馬振鐸。羣吏作旗。車徒

皆作。鼓行。鳴錫。車徒皆行。及表乃止。三鼓。據鐸。羣吏弊

旗。車徒皆坐。

據音鹿。中軍註謂中軍將。按將執音鼓。然提聲及四金皆將車所有。欲諸軍皆擊。

三鼓。故不擊。晉而擊。聲以令之。以下兩司馬之振據鐸。亦中軍將以鐸令之。公司馬之鳴錫。亦中軍將以錫令之。卒長之鳴鐃。亦中軍將以鐃令之。無二不由於令者。金錙無專執。此則各從鼓。御右等鳴之。鼓人。軍將。師帥。

旅帥也亦上兼王及諸侯皆從中軍也三鼓鼓之節猶
今三通鼓三百三十三推爲一通古或不同司馬振鐸
卽大司馬軍將也軍將卽非夏官亦攝大司馬事此振
鐸令兩司馬也司馬振鐸兩司馬亦各振鐸也此以令
書後羣司馬振鐸則兩司馬振之以從令言耳車徒坐
作觀旗振鐸令作旗故車徒皆作據鐸令弊旗故車徒
皆坐鼓行與鼓進不同進聲疾行聲緩錫公司馬鳴之
鼓師金錫以節鼓及表及第二表也自北表至此五十
步據鐸掩執其上而轉○又三鼓振鐸作旗車徒皆作
之令舌循口不左右擊○又三鼓振鐸作旗車徒皆作
鼓進鳴錫車驟徒趨及表乃止坐作如初○又三鼓至皆
聲令鼓一節同知令鼓亦出中軍也以下準此鼓進至
及表乃止亦與鼓行一節同然進則鼓與錫皆聲疾於
前故趨驟亦與行殊別及表由第二表至第三表前五
十步此百步也坐作如初包兩大節先坐後作坐之先
包三鼓振鐸弊旗作之先包三鼓振鐸作旗故曰○乃
如初也末及表乃止坐作如初準此而又有別○乃

鼓車馳徒走及表乃止此節又與鼓進及表乃止同亦

驟為馳走鼓勇赴戰之象也○鼓戒三闕車三發徒三

自第三表至前表亦百步戒讀作駭胡楷反同駭闕苦穴反此象攻擊勇戰

刺也戒作駭與下皆駭同聲疾而震聞者驚駭故曰駭

必三闕勇貴有節三發三刺皆三闕中事發發矢刺兼

擊鼓一駭車士一次發矢徒卒一次擊刺三發三刺皆

從三駭勇而從令也鼓駭時或旁擊以助之鄭剛中

曰萊野立表仆旗聽誓鼓行至於擊刺皆四時交戰常

遽獨詳於此明其為大闕也○乃鼓退鳴鑼且卻及表乃止坐作如

初卻起略反鼓退鳴退鼓也與鼓行鼓進鼓駭音節

大異惜未聞鼓師金鑼以止鼓軍欲退中軍鳴鑼令

卒長盡鳴以止鼓擊此時或助以三金卻退有漸此及

表乃止及一表則一止退盡至最北後表凡三及三止

坐作如初每止即一坐一作三鼓而據鐸弊旗三鼓而

振鐸作旗一一如前也但三卻皆鳴金而不擊鼓又最

夏官大司馬

十

經義堂

後一作爲
待田起也

遂以狩田以旌爲左右和之門羣吏各帥其車徒以敘和

出左右陳車徒有司平之旗居卒閒以分地前後有屯

百步有司巡其前後險野人爲主易野車爲主易俞寄反。註

冬田爲狩守取之無所擇也軍門曰和按左右各植兩
旌以表軍門使車徒在左者出左和在右者出右和敘
使前後不亂也左右陳車徒爲中軍兩翼卽左右軍兩
翼皆外車內徒卒徒卒旗居卒閒以分地不令逼近中
軍前後屯卽前後兩軍百步前後兩陳南北縱列之數
不著車徒可知也有司平之巡之彼此互見山險澤易
鄭司農云人爲主人居前車爲主車居前按此首句承
上爲下作總領以旌至車爲主敘布陳設驅逆表貉是
將趨田時事中軍令鼓至徒弊致禽○旣陳乃設驅逆
正敘田事備獸至饗烝是田畢後事○旣陳乃設驅逆

之車有司表貉于陳前

註驛驅禽使趨田逆逆要不令走設此車者田僕按校人中

夫二一帥驅車一帥逆車文見校人帥驅逆之車此僅言表貉不言誓民於蒐例見也

○中軍以

聲令鼓鼓人皆三鼓羣司馬振鐸車徒皆作遂鼓行徒

銜枚而進犬獸公之小禽私之獲者取左耳

此鼓行趨田所也行

不疾速故曰鼓行註枚如箸銜之有續結項中軍灋止語爲相惑也按銜枚而進者徒兼車士觀下車徒皆譟可見鄭司農云公之輸公私之自昇也按冬狩不嫌盡取故竝及小者取左耳如戰馘也取以獻功三田同此

○及所弊鼓皆馘車徒皆譟

馘亦本作駭譟素報反及所弊至田所當止處也

於此鼓馘象窮敵依阻力戰殲敵也徒譟象全勝而喜皆馘皆譟山澤震驚見終事之盛

○徒乃弊

致禽饁獸于郊入獻禽以享烝

饁移獵反○徒乃弊必至所弊馘譟之後徒乃

弊也。四時之田，春終火弊，夏終車弊，秋終羅弊，此則三者皆弊，而徒未弊。冬獸盛眾，取不易盡，且中冬至日以前，純陰肅殺，不嫌多殺也。甸祝，師田致禽於虞中，乃屬禽及郊，饁獸舍奠於祖禰，乃斂禽，皆四田所同致。禽虞中，田訖，虞人植旗，甸祝令獲者委所獲於其下，卽此致禽。屬禽則甸祝別其類而各置之，亦致中事及郊。饁獸於四郊兆域，以所獲祠之，卽此饁獸於郊。若舍奠祖禰及斂禽，則獻禽中事，祖禰舍奠獻以祀二世。斂禽則上中下殺各取其十也。七廟之享，亦該獻中，甸祝不言，非所掌也。

及師。大合軍以行，禁令以救無辜。伐有罪。

及師及用師也。大合軍，合四時

教訓之眾，及諸侯三軍以下，行禁令。施王禁令，慮有不從，故合軍示將誅討，救無辜。諸侯以弱小受侮，則出師救之。伐有罪，如犯九伐之瀆，必○若大師，則掌其戒令。

涖犬卜。帥執事，涖費主及軍器。

註：大師王出征伐也。涖，臨。臨犬卜，卜出兵吉凶。

也主遷廟主及社主在軍者也按軍器斧鉞及鼓鐸之屬執事小祝也小祝大師掌釁新號祝○及致

建大常比軍眾誅後至者比必里反○亦大師中事王親行故用大常○及

戰巡陳眠事而賞罰事戰時進退擊刺勇怯等事此亦大師中事不然有司巡之若時田

是也惟不敢行賞罰耳○若師有功則左執律右秉鉞以先愷樂

獻于社先悉薦反○律以斷罪鉞以斬殺有功則罪人

社獻功於社城濮之戰振旅愷以入於晉○若師不功則厭而奉主車厭於

○鄭司農曰厭厭冠近喪冠○王弔勞士庶子則相勞

報反相息亮反○周濩以王族及諸貴族之支庶乘車

爲甲士六軍甲士皆士庶子也王之親軍尤多士庶子

有功士庶子之績可嘉若敗而不功則士庶子之死傷

必眾故王有弔勞事然師卽有功亦有力戰而死者但

勞多於弔不功豈無拒敵殿軍者但弔多於勞耳此王親軍故親弔親勞王親弔勞大司馬親相皆重其事自大師至此皆大師中事

大役與慮事屬其植受其要以待攷而賞誅

與音預屬音燭。註大役

築城邑也按慮事大司徒大司空或其屬司徒主徒役司空主功事則慮事斷主二官也司馬與焉者起徒役亦合卒伍觀縣師師田行役必受灋於司馬以作眾庶稍人起徒役以縣師之灋作其同徒縣師之灋正受於大司馬故也植植木為標屬其植計崇廣而以植表其起止則崇廣與延長已有定數用夫如干費財費料無不可計算要者慮事計約簿書授司馬令核稽則功罪有憑誅賞所以勸懲也

大會同則帥士庶子而掌其政令

士庶子掌於諸子皆不命之士為王親軍亦聯

步隊如楚人王卒若敖之六卒是也帥士庶子帥王親軍也大司馬親為王衛特著掌其政令素不統於司馬

若大射則合諸侯之六耦

射政掌於司馬觀諸侯大射士鄉射皆司馬職其要可見也此

經惟大射合諸侯之耦意大司馬尊如命去侯取矢等事皆小司馬職之惜文闕無考耳然下射人云佐司馬治射正則射正統掌於司馬矣此六耦王正射之耦也先射之耦不用諸侯大射儀諸侯之禮也鄉射士禮也皆以三耦先射而正射之耦不言數與此大不同

大祭祀饗食羞牲魚授其祭

食音嗣。註牲魚魚牲也祭尸賓所所以祭按魚生育於

夏大司馬羞之主夏政故又小宗伯頒六牲於五官大司馬兼主羊馬馬牲於喪祭著大司馬之奉羊則使小子羞之亦以屬夏官也

大喪平士大夫

大喪慮有非常司馬掌兵當設守備故平士大夫大僕大喪戒鼓傳達於四方使聞

之而警備也虎賁則守王門鄉大夫令各守其間若城門之守雖無見文觀師以門名知十二門亦公孤六卿

分守灼喪祭奉詔馬牲註王喪以馬祭者遣奠也奉猶然矣然矣。喪祭奉詔馬牲註王喪以馬祭者遣奠也奉猶然矣送送至墓告而藏之按王膳六牲舉備十二鼎俎似不必遣奠有馬註恐非

○小司馬之職掌

卿貳必有建如小宰建宮刑小司徒建教教灋小宗伯建國之神位小司寇建外

朝之灋此經文闕不可考矣

凡小祭祀會同饗射師田喪紀掌其事

如大司馬之灋

正歲觀政象文雖闕亦可知

○軍司馬

闕

○輿司馬

闕

○行司馬

闕。疏軍司馬當下大夫四人輿司馬當上士八人行司馬當中士十六人餘官皆無異稱

此軍事重故別名

○司勳掌六鄉賞地之禮以等其功

賞地賞田也在遠郊遂地六鄉據受賞者

說在城內諸官適子士庶子城外則鄉民凡王朝公孤卿大夫士皆出於此故專主六鄉即外此別有賜國邑者亦必有賞田賞起於職功下經勳功庸勞力五者由進位乃加等差也以功大小為差

王功曰勳

功及天下王業由此益昌此王功也以其盛大昭明故曰勳

國功曰功

功全一國

國功也以其成而無缺故曰功

民功曰庸

功濟生民民賴其利而庸之故曰庸

事功曰勞

任以艱鉅不憚辛勤卒能有功

治功曰力

振飭紀綱法度夙夜盡力卒能

脩頽舉廢使治績顯然故曰勞

多攻城降邑斬馘禽虜皆取其多故曰多

功分六等然六項中更有差等并有後列之功踰於前者

凡有功者銘書于王之大常祭于大烝司勳詔之

註銘之言名也

生書旌以識其人死則於烝先王祭之詔告神以辭按公卿大夫士固得以功配食即庶子鄉民亦與食以燕禮庶子亦與獻也此周家之至仁正勸功之善術疏詔之詔司常書之又以辭使春官告神王介甫曰大烝冬大享時百物皆報祭有功宜矣○大功司勳藏其貳李茂夫曰凡有功則既書犬常司勳又藏其貳也按大功賞重藏其貳垂世守防抵冒且為後目大功例也

掌賞地之政令

李茂夫曰政令如下所云

○凡賞無常輕重眠功○凡

頒賞地參之一食

三公以下諸官士庶子鄉民有功乃有賞田食受賞家所食所謂參之一

者周家以田給祿惟食地賦即二十而一是也然此二十而一者又去國征十二其家食其八而中併二分焉十受也合地職地守亦歸公家民貢及絲枲公旬亦歸公家正參之一食○惟加田無國正正音征○正作征王所取地賦加田又有功而加賞或功大而額外再加無國征則令盡取二十而一地職地守仍

歸公家。旬稍縣都皆十二，惟遠郊二十而三，以此加田無國征故也。

○馬質掌質馬，馬量三物：一曰戎馬，二曰田馬，三曰駑馬。

皆有物賈。

質如字，量力陽反。賈音稼。質，正也。平也。公家之馬授人乘，償須酌其賈。馬闕亦賈之，六

種止及三者，上駟不可多得也。而受馬於有司亦止此三者。蓋種齊道非在下所得乘。註：三馬買以給官府之使，接戎馬八尺以上，田馬七尺以上，駑馬六尺以上，而材力又別，所謂物也。賈，三馬之賈。戎馬賈重，田馬次之，駑馬賈輕也。皆有物賈，則同物中又有老少及毛色善惡也。量猶以度量物之量。國馬，輅深四尺七寸，戎馬在國馬中，田馬輅深四尺，駑馬輅深三尺三寸，必量三物，以此。○綱惡馬，大索爲綱，惡馬強力不馴，施鞭箠輒敗物，束以大索，乃可馴養。此三字與馬及行九字當移有馬訟則聽之之下。

凡受馬于有司者，書其齒毛與其賈。馬死，則旬之內更旬。

之外入馬耳以其物更其外否更音庚。鄭司農曰更

以齒毛與買受之日淺養之惡也按當兼任之過不言

物可知也旬之外死亦養乘未善之故故亦須償入馬

耳呈驗也互見文包旬之內言物即上三物以其物更

戎馬更以戎田馬更以田驚馬更以驚也不更齒毛賈

則更之易矣註其外否者旬之外踰二十日而

死不任用非用者罪疏所受之馬給公家之役

馬及行則以任齊其行此九字當移網惡馬之下而此與

下惡馬力強難馴與他馬同駕亦慮覆車加重物於其

身庶力同而不能為患明洪武時貴州蠻進養龍坑龍

若有馬訟則聽之

註訟謂賣買之言相負按此七字

禁原蠶者

註原再也天文辰為馬蠶書蠶為龍精月值大

火則俗其種蠶與馬同氣物莫能兩大禁再蠶

爲傷馬按二驘其矢害馬馬臭其氣則病故養馬之家不得畜二驘

○量人掌建國之灋以分國爲九州營國城郭營后宮量

市朝道巷門渠造都邑亦如之量音良建國建王國及侯國言灋知等差殊

別都邑亦兼諸侯都邑王畿都邑諸侯都邑其等亦具灋中王城分中城地爲九區象九州州二千五百室土

庶子守王城者合二萬二千五百室也蓋州卽鄉之屬二千五百家九州二鄉不足一故六鄉起王城內卽土

庶子精勇異眾者二十入籍六十卽不從征役與城外大別城中城郭外城外城十二里中城九里註后君也

言君容王與諸侯按后宮前南五宮後北六宮此中區士庶子居八次八舍亦一州也然則九州實分處八區

而番調入衛者然則外八區每區當二千七百五十室也後三市一區市皆一夫前三朝一區內朝在南宮大

寢下朝皆一夫八區中道縱橫如十字皆九軌惟中區否經緯皆九宮中有巷市朝州里亦有之門同城門十

二、皆九雉、外城同、若臯庫等五門、則五雉、渠遂溝洫等如魯黨氏之溝、疏量市朝道巷、若匠人、市朝一夫、經涂九軌、巷及門渠、亦有尺數、門容二轍、三個等、都邑準王城而殺其制、接天子、外城十二里、內城九里、故分爲九州、若上公、外城九里、內城七里、則當七州、侯伯、外城七里、內城五里、則當五州、子男、外城五里、內城三里、則當三州、至王畿、都邑據汲書作雒解、謂大城方王城三之一、小城方王城九之一、知其三采、內外城與祭仲差降之數、不異、然則王大都三國之一者、外城四里、內城三里、城中三州、皆三國之一也、中都五國之一者、外城二里餘、計四百三十二丈、內城一里餘、計三百二十四丈、城中一州四黨、皆五國之一也、小都九國之一者、外城一里加六十丈、內城一里、城中一州、皆九國之一也、外諸侯惟子男無都鄙之封者、可不論、若公侯伯三采、內外城、在城士庶子之數、準國城差之、胥可瞭如指掌矣、古經大法、何一不可復行哉、

營軍之壘舍量其市朝州涂軍社之所里

涂本又作塗。註軍壁曰壘州。

一州之眾二千五百人爲師每師一處軍社社主在軍者里居也按亦如城中九區象九州鄭以師之所處詁州甚恰但軍社必在中區之前一區方與城中左祖右社在雉門以內者不異涂亦一州三經三緯與城中涂數不異乃不憂軍喧雜而擾李茂夫日出軍有社主遷廟主此獨言軍社省文也或軍卽宗字之誤

邦國之地與天下之涂數皆書而藏之註書地方園山川之遠近按射量侯道見儀禮經不及文不具耳

凡祭祀饗賓制其從獻脯燔之數量註燔從獻肉炙也數多少量長短疏饗賓

獻有脯從燕禮獻賓薦脯醢祭禮獻以燔從按經不言燕文不具

掌喪祭奠竊之俎實竊昌絹反註竊俎實所包遺奠士喪禮下篇曰藏包筭於旁

凡宰祭與鬱人受畢歷而皆飲之畢古雅反歷瀝同祭肺肝心等宰亦割也凡

祭肺肝等肉皆量人宰割也。鄭司農云：明堂位：爵、般以
畢。按：天子之祭，得用前代之器，故天子舉畢，諸侯舉角，
展、瀝之省。此王、大子既受奠畢，飲之，又酌以送尸，尸啐
之，而仍奠於其所之畢也。因既啐，故以餘瀝言祭皆宰
飲畢，瀝專指廟祭。

○小子。掌祭祀羞羊肆、羊殽、肉豆。羊肆，腥與爛。羊殽，熟俎肉豆。羊載，羊炙。羊膾，載

膾二豆，兼醬設司馬奉羊，而所羞在魚牲。小子列職夏官，故羞羊肆、羊殽，兼羞肉豆，位卑也。此祭祀兼內外神然總作大祭祀。

而掌珥于社稷，祈于五祀。珥，讀珥。掌羞羊事也。珥作珥

人珥所放此。○凡沈辜、侯禴，飾其牲。禴如羊反。鄭司農曰：沈祭川，爾雅祭川曰浮。

沈辜，磔牲以祭也。月令九門磔禴以畢春氣。按：侯，迎候福祥禴，除禴凶禍。羊人侯禴，倣此。易彥祥曰：飾其牲，被

以文繡謂羊牲也。按凡牲皆飾於此例見。○燂邦器及軍器。註：邦器、禮樂器及祭器之屬。鄭剛中曰：用羊血以燂也。

凡師田，斬牲以左右徇陳。註：示犯誓必殺之。鄭剛中曰：不用命者皆狼而不率之人。小子

斬羊示之。羊，狼物。宋義曰：狼如羊，強不可制者皆斬之。

祭祀，贊羞受徹焉。贊羞，羊牲也。當是贊小司馬。惜小司馬文闕耳。受徹亦受徹羊俎。此上當有大

字。前祭小，故直掌羞俎。此大祭祀則贊之。

○羊人掌羊牲。凡祭祀飾羔。註：羔，小羊也。按此當是入庶羞者。王介甫曰：飾羔若飾羔

雁以續也。

祭祀，割羊牲登其首。註：登，升也。升首報陽也。升首於室。按夏官有羊人，與地官牛人及冬官

豕人等此割牲登首
知牛人豕人亦然

凡祈珥共其羊牲賓客共其瀡羊。珥音弭。註瀡羊。飧養積膳之羊。○凡

沈辜侯禴釐積共其羊牲。註積積柴禋祀樵燎實柴。

若牧人無牲則受布于司馬使其賈買牲而共之。賈音古。此職

序官有賈二入

○司燿掌行火之政令四時變國火以救時疾。燿古喚反。註行猶

用也。變猶易也。鄭司農曰。鄒子云。春取榆柳之火。夏取棗杏之火。季夏取桑柘之火。秋取柞櫟之火。冬取槐檀之火。

季春出火民咸從之。季秋內火民亦如之。內音納。註火所以陶治。鄭人

鑄刑書、火星未出而出火、後有災、鄭司農云、以三月昏心星見於辰上、使民出火、九月昏心星伏在戌上、使民納火、春秋傳、以出丙火、疏、四時變國火、據食火、此春秋、據陶冶、○時則施火令、令出納火

之令

凡祭祀則祭燿

燿先用火之人祭燿報其功

凡國失火野焚萊則有刑罰焉

國失火不慎宜懲尤防奸慝野焚萊惡殘物也

○掌固掌脩城郭溝池樹渠之固殞其士庶子及其眾庶

之守

城郭溝池樹渠國之所恃以爲固者掌固掌其脩治士庶子官支庶聽調任戰守者眾庶其地直守

之民殞之令警備無闕而眾寡適宜註樹枳棘之屬有刺者

○設其飾器

守器皆致飾以揚威

設則陳列森嚴令寇盜不敢犯也器兵屬疏城郭門傍矛戟皆有幡飾

○分其財用均其

稍食

註財用國以財給守吏之用稍食祿廩按分財○用令無不給足均稍食令皆宿飽此就守時言

任其萬民用其材器

註任以其任使之民之材器所用塹築及爲藩落者按任萬民令各

共其職不煩遠調用材器令取諸宮中不費國帑此就脩城郭溝池等言脩時亦分財用亦均稍食

凡守者受灋焉以通守政有移甲與其役財用唯是得通

與國有司帥之以贊其不足者

灋卽上諸灋凡通畿內言甲士庶子亦包眾庶

守時所須役財用脩城郭溝池時所須役萬民也役財用財用中包稍食材器唯是得通不得他項調發重守

政也國有司司馬之屬守不足則告司馬令掌固掌固乃與帥而贊其守也

○晝三巡之夜

亦如之

註巡行也行守者爲眾庶解情按令胥徒巡行

○夜三驚以號戒

驚音威

註驚警守鼓也三巡之閒又三擊驚

若造都邑則治其固與其守瀦

都邑亦為城郭。溝池樹渠之固。

○凡國都

之竟有溝樹之固郊亦如之

竟音境。竟界也。國之竟。都之竟。國之郊。都之郊。無

城郭而有樹渠。惟王之郊。則遠郊近郊各為樹渠。

民皆有職焉

職脩守二職。

若有山

川則因之

註山川若穀。卑河漢。

○司險掌九州之圖以周知其山林川澤之阻而達其道

路

註周猶徧也。達道路者山林之阻。開鑿之。川澤之阻。橋梁之。

設國之五溝五涂而樹之林以為阻固皆有守禁而達其

道路

註五溝遂溝洫。澮川也。五涂徑畛涂。道路也。樹之林。作藩落。疏此五溝五涂。言樹之林以為阻固。皆

有守禁。則非逐人田閒五溝五涂。但溝涂所作。隨所須。大小為之。皆約田間溝涂。其上亦有道路相支。湊故以

五溝五涂言也。按此居民之溝涂也。五家爲比，橫列一遂，遂上有徑。五比爲閭，橫列四遂，遂皆有徑，而不樹林。一閭左右有溝，溝上有畛，前橫一洫，洫上有涂。此則樹林以爲固者也。橫列十閭，則二百五十家爲二族。半又列十閭，則五族爲一黨。從此又加八列八十閭，則二十五族爲五黨。一州矣。十閭橫列直溝，含九畛，樹之林。十閭直列橫洫，含九涂，樹之林。一州左右皆爲直澮，道樹之林。一州之前大川橫之，路樹之林。此五溝五涂，民居之阻固也。一州如此，合五州爲一鄉，亦如此。卽合三十州爲六鄉，亦無不如此矣。此外甸地溝涂與此亦同。蓋甸之居民鄰里鄙鄆縣遂與郊地之比閭族黨州鄉數不稍異故也。由是而推三等采地之郊，則民居準乎六鄉三等采地之鄙，則民居準乎六遂。其溝涂阻固之守又何在不然邪？王國如此，九州之遠無不如此。此先王之世所以長治久安而無賊寇之憂者也。有志於治者可不以聖人之制爲法乎哉？

國有故則藩塞阻路而止行者以其屬守之。唯有節者達

之註有故喪災及兵也閉絕要害之道備姦寇按以其
屬守之險屬郊甸治郊甸者與民守之險屬都鄙治
都鄙者與民守之險屬列邦亦然疏以司險之胥徒言
屬夫天下之險甚多司險徒止四十足分守天下之險
乎恐一處亦不足矣

○掌疆關

○侯人各掌其方之道治與其禁令以設侯人侯人居王

治道路治侯館廬舍治飲食委積井樹等事方者四方
猶秋官方士之方各掌侯人上士六下士十二分掌其
事也禁令幾察巡巡設侯人令徒百
二十人、有事時守望也蓋斥侯之侯
○若有方治則帥
而致于朝及歸送之于竟竟同境。方治諸侯有事不
能自決而決於王朝則來而
帥之致於朝歸則送
之及竟皆侯人職也

○環人掌致師

致師將戰先使勇士犯敵致其必戰之志若楚許伯御樂伯攝叔為右以致晉師是

也

察軍慝

註視軍中有慝者執之

環四方之故

環周迴巡察也慮有伏敵及莫夜之

戎周迴四方詳察有無以告而為備

易彥祥曰巡邦

察軍慝察其在我者環四方之故環其在人者

國搏謀賊

謀賊為賊偵候者

訟敵國

註敵國兵來往與訟曲直

揚軍旅

表揚威武

以威

降圍邑

降戶江反。黃文叔曰降圍邑不殺之仁也然受降如受敵故環人掌之

○挈壺氏掌挈壺以令軍井挈轡以令舍挈畚以令糧

挈苦

結反畚音本。鄭司農曰軍穿井井成挈壺縣其上令

士眾望見知有井壺以盛飲故以表井縣轡於當舍止

處使軍中望見知當舍於此轡以駕舍故以表舍縣畚

於巢假處令軍望見知當巢假於此畚盛糧器故以表

巢軍中雜會議置令不相聞各

以物為表省煩趨疾於事便也

凡軍事縣壺以序聚櫟凡喪縣壺以代哭者皆以水火守
之分以日夜櫟音託。序聚櫟令聚櫟巡警按時更代也。縣漏壺視其刻以更代則勞逸均而無
疏虞之失禮未大斂必代哭表痛深亦防滅性縣壺按
時以代庶哭不絕聲而仍不至於毀以水火守者水以
增壺夜中然火以視刻也分以日夜者晝夜短長不同
每月每候各異以日出日入分晝夜漏欲序櫟代哭均
得翻休也漏箭晝夜共百刻晝夜○及冬則以火爨鼎
長短不同大史成灋有四十八箭水而沸之而沃之
冬水凍或漏不下以火炊鼎水令沸以沃壺

周官心解卷第十八終

周官心解卷第十九

夏官司馬第四之三

○射人掌國之三公孤卿大夫之位三公北面孤東面卿

大夫西面其摯三公執圭孤執皮帛卿執羔大夫執鴈

此天子內朝之位也朝位在路寢庭儀禮諸侯大射於路寢始入卿大夫北面東上公適卿卿西面大夫少進燕禮亦如此此諸侯內朝朝位也天子大射亦在路寢朝位與諸侯大別而核之司士治朝之位朝士外朝之位略同治朝外朝既不甚異則內朝可推矣諸儒以朝位同於司士所掌而定爲治朝之位恐非是諸侯大射

斷在路寢觀公入驚句可信蓋入者入內寢也公出入
奏驚寢因路寢貼近內寢而在其外故可言入若射於
學射於澤則相去懸隔得直云入邪愚據此故斷爲天
子內朝之位燕於路寢其朝位亦準此執摯者三公孤
卿大夫始受命見王於內朝故執之以見也公孤之摯
射人受之而入於內府卿大夫之摯亦受之而歸諸膳
夫○諸侯在朝則皆北面詔相其灋諸侯公尊於三公
侯伯卑於三公而尊於孤卿子男則卑於孤卿而皆北
面與三公同位者以內朝非常朝射則諸侯有賓道故
也若朝士外朝之位諸侯位在右棘則以外朝爲議刑
之地序次當肅與此不同灋內朝序次之儀內則公及
大夫外則諸侯皆射人詔告相禮疏此賓射在路門之
外朝按以此爲賓射既誤以射爲在路門之外朝尤誤
夫路門外治朝一片平
地何以行禮而射乎

若有國事則掌其戒令詔相其事

國事祭祀賓客軍旅等
事卽小宰六聯中所具

者指公孤卿大夫戒先期戒之令令以職事

○掌其治達

即小宰六敘中治達指公孤卿大夫

以射灋治射儀王以六耦射三侯三獲三容樂以騶虞九

節五正諸侯以四耦射二侯二獲二容樂以貍首七節

三正孤卿大夫以三耦射一侯一獲一容樂以采蘋五

節二正士以三耦射豝侯一獲一容樂以采蘋五節二

正射三侯食亦反豝五旦反。獲獲旌服不氏持以唱獲鄭司農云容乏也按以皮爲之服不氏所蔽每一

侯必一獲一容故三侯三獲三容二侯二獲二容一侯一獲一容也王射三侯者九十步爲大侯七十步爲參

侯五十步爲小侯王本主大侯而王之所中三侯皆釋獲故曰射三侯諸侯則二侯釋獲孤卿大夫與士則一

侯釋獲也王六耦而諸侯四耦王三侯而諸侯二侯射於王所之儀若在國大射則耦損侯增以三耦射三侯

亦三獲三容大射儀曰中離維綱揚觸拊復公則釋獲
眾則不與唯公所中中三侯皆獲是也王大射賓射樹
侯三道中閒以六耦射三侯西以四耦射二侯東以三
耦射一侯而士不與此及士狩侯即大射儀之千侯蓋
以射濶射儀及此明諸侯在國許射三侯也騶虞九節
狸首七節采蘋采芣五節此射節之一定不可紊者惟
鄉射得上取騶虞造士以貢天子仍王事也大射以下
賓射燕射皆準此濶儀九節五正者四節以聽五節正
射七節以下三正二正皆然此固不專指大射鄭氏以
賓射之采侯解之謂賓射之侯五正五采三正三采二
正二采尤迂拙而不可信六耦四耦三耦正射之耦也
儀禮諸侯大射士鄉射皆三耦先射而正射之耦無定
數與此不同王大射無狩侯不及士也天官司裘王大
射共虎侯熊侯豹侯諸侯共熊侯豹侯卿大夫共麋侯
蓋三侯一道二侯一道一侯一道也或疑張侯三道之
說曰侯道必與堂相準直今云樹侯三道竊所未喻予
問何故曰侯制大者鵠方六尺中三倍躬倍中左右舌
又倍躬合七丈二尺加左右舌各八尺計八丈八尺中

者七丈二尺小侯五丈六尺內朝寢庭固足容之不妨
橫列恐路寢地狹不相準直奈何曰此泥從來路寢五
室之說也自古天子大數全取十二而奇取九試思王
內城九里分九區經涂九軌城隅九雉門九重卽路寢
堂階亦九等也豈有階九等而堂但五室者乎攷工匠
人內有九室九嬪居之此北宮路寢也外有九室九卿
朝焉此南宮路寢也天子北宮小寢五南宮小寢五而
路寢皆九室此的據也且匠人不又曰宮隅之制七雉
乎夫三丈爲雉七雉則高七丈廣二十一丈矣王之居
室豈有崇大如路寢者亦惟路寢九室始克與七雉之
高廣相副今就九室計之中堂三間約九丈左右二堂
各三間約十二丈以三堂而絮各侯所占大侯占廣八
丈八尺然惟直中堂獨樹一侯地固不憂不足也惟中
西二參各占廣七丈二尺則西參勢將侵中然西參侵
中六尺而中參曠地九尺則仍不憂其不足若三小侯
則占廣各五丈六尺耳雖平列三侯且寬然餘地甚多
況中堂三侯王所自射物必居前東西三侯臣下所射
物當退後而天子之堂甚深當檐當棟皆可置物物進

侯亦進而前物退侯亦退而後進退之度卽相去尋丈不難也然則在庭三道樹侯爲地固已寬然在堂履物而射亦準直相當惟路寢九室七雉占廣二十一丈故也曰樹侯有餘設容恐不足曰容取容人不踰方丈而設容之度去侯北十丈西去侯中三丈大侯設容固居侯內二參之侯僅踰侯西四尺惟三小侯乃出侯西二尺設容耳然中堂九丈左右二堂各六丈而三小侯占廣各止五丈六尺中東二容地誠有餘卽西容設於西堂外當占踰一丈然而內朝占地一夫則路寢之庭縱六十丈廣亦六十丈路寢以南東西餘地各當十九丈贏然則西小侯容踰一丈而餘地甚多推之西參之容亦然矣又何疑三侯一侯之容之寬然在中在東者哉

若王大射則以狸步張三侯註狸善搏行則止而擬度其發必獲量侯道法之按大射

射人張侯崇大射也賓射以下則使其屬天子大射皮侯六明見司裘路寢九室直中堂直樹三侯虎侯九十步熊侯七十步豹侯五十步直西堂直樹二侯熊亦七十步豹亦五十步直東堂五十步樹一梟侯此云張三

侯主王所射者西二侯侯射東一侯卿大夫射者亦其屬張之或曰張三道之侯

王射則令去侯立于後以矢行告卒令取矢射服不持旌

負侯遠射射人令之去侯也諸侯大射儀司馬師令負

侯去侯則司馬令之立於後以矢行告大射儀大射正

立於公後以矢行告於公下曰雷上曰揚左右曰方王

射時射人亦立於王後以告王卒令取矢射卒射人令

射鳥氏取矢也大射儀則司射令之此○祭侯則爲位

節三事凡射皆然不專大射疏言是也○祭侯則爲位

註祭侯獻服不服不以祭侯爲位爲服不受獻○與犬

之位按大射儀司馬正爲之此則射人爲之也○與犬

史數射中數所主反中張仲反數射者中算也犬史

執中釋算射畢射人與之數中算之多寡於

大射儀亦司射數之犬史職○佐司馬治射正正音政

凡射事飾中舍算執其禮事○佐司馬治射正射正

射政也射正掌於大司馬然位尊惟王大射合諸侯之

六耦已耳下此或其貳其攷佐之而二官文闕無考此

云佐司馬治蓋射人為射之專官故也以射灋治射儀皆射政中事

祭祀則贊射牲相孤卿大夫之灋儀

相息亮反。國語禘郊之事天子必自射

其牲此祭祀不言大知四郊廟祭王皆射牲易彥祥曰迎牲君執紼卿大夫從士執芻君親射牲孤卿大夫從射射人相灋儀以其掌射灋治射儀也按易氏說專主內祭言外祭諸郊當類推

會同朝覲作大夫介凡有爵者

註作讀如作止爵之作按作大夫介使大夫為介也

作起也不惟一人朝覲兼宗遇會同為壇於外王亦有介朝覲亦然覲禮可據也有爵者大夫以上三公六卿等不及士以作士司士專職故也

大師令有爵者乘王之倅車

倅七內反。疏王乘戎車副車十二乘皆從按使有爵者

亦當屬公孤以下此倅車與車僕所掌廣關萃輕殊別王出五路皆從五路皆副車十二乘也

有大賓客則作卿大夫從。

註作者使從王見諸侯按此爲王摯及介也。大賓客不出朝觀

宗遇此據二王後言王客之亦館賓故射人作卿大夫使從王爲介也臨去又遣館贈賓禮亦如之典瑞璋邸射以造贈賓客。

○戒大史及大夫介。

此則賜賓命及車服而爲公孤介也。

註戒戒當行者觀禮諸公奉篋服加命書於其上。升自西階東面。大史氏右疏王有命使三公命諸侯及衣服就館賜之。射人戒大史及大夫與諸公爲戒。

大喪與僕人遷尸作卿大夫掌事比其廬不敬者苛罰之。

比毗志反。王崩小斂大斂遷尸於室堂遷尸大僕扶右射人扶左以犬僕執事路寢與射人掌內朝之位其地同二官素隨侍王故崩後同遷尸也。僕人卽犬僕檀弓言僕人師射人師師眾官也二官與其屬共遷也。諸侯僕人射人皆上士作卿大夫掌事王喪事繁令卿大夫分掌乃無廢事比其廬如宮正親者貴者居廬比其

親疏
貴賤

○服不氏掌養猛獸而教擾之註猛獸虎豹熊羆之屬擾

不馴之物貉隸能與獸言者為之役教擾誠易矣非聖人能盡物性何以及此

凡祭祀共猛獸註中膳羞者愚謂庶羞所須

賓客之事則抗皮抗苦浪反。鄭司農曰賓客來朝聘布皮幣服不氏主舉藏之註抗者若聘禮

有司二人舉皮以東

射則贊張侯以旌居乏而待獲贊任也。大射贊射人。大射儀命量人巾車張三侯二

官無此文意量人文闕巾車或不與以巾車下大夫賓射以下禮輕於大射也然則大射以下贊量人與乏即

容唱獲者所蔽

○射鳥氏掌射鳥

射食亦反。註鳥中膳羞者，鳧雁鵠鵙之屬。

祭祀以弓矢毆鳥鵠。凡賓客會同，軍旅亦如之。

毆音區。註鳥鵠喜。

鈔盜便。

○射則取矢。矢在侯高，則以并夾取之。

并卑盈反。夾音

甲。鄭司農曰：并甲，鉞箭具。司弓矢，大射燕射，共弓矢并甲。

○羅氏掌羅烏鳥

註鳥卑居之屬。

○蜡則作羅襦

禽死於羅襦，女子裹衣。羅氏，卽

郊特牲：大羅氏，蜡祭主。諸侯之貢者，製羅如女子襦衣。令使者戒諸侯，見好田好女之必亡也，與致鹿與女，是

一類。

○仲春，羅春鳥，獻鳩以養國老，行羽物。

註春鳥，鵠而始出者。

時鷹化為鳩，鳩與春鳥變舊爲新，宜以養老，助生氣。行頒賜，疏此文。仲春行羽物，司裘仲秋獻良裘，王乃行

羽物。若然，則一年二時行羽物。陳及之曰：天子養老三國老，庶老死政之老。羅氏獻鳩以養者，國老也。司徒以

保息養之者庶老也司門以財養之者死政之老也若外養酒正稟人所謂耆老總三者言之

○掌畜掌養鳥而阜蕃教擾之

畜許六反。註阜猶盛也。蕃蕃息也。按鳥庖人六禽

之屬凡雁鷺等共用者皆當養之且既有閭隸能與鳥言者爲之役則教擾不難何必沾沾於家畜乎祭

祀共卵鳥

共卵共鳥當作二物言

○歲時貢鳥物

註鵝雁之屬以時來

○共

膳獻之鳥

註雉鶉鴛之屬按膳鳥共王及后世子之膳獻鳥共賓客即乘禽

○司士掌羣臣之版以治其政令歲登下其損益之數辨

其年歲與其貴賤周知邦國都家縣鄙之數卿大夫士

庶子之數

此通掌公孤卿大夫上中下士不命之士之版也故羣臣朝位亦通掌之政令功當陟過

當黜年老當休任久當遷皆一一治之令不混淆差失損益以功過黜陟及年任之進退登下益者書諸版損

者除之年齒之老壯歲任之新舊貴賤爵列高下所登
下及辨羣臣之版也其數詳此畿內之數也若邦國則
諸侯都家縣鄙亦諸侯所有不必盡登於版但書其鄉
大夫士庶子而已士庶子已爲士者庶子則不命必在
版重守國也在國則卿命於王大夫伯子男卿之不命
於王者都家公侯伯采地縣鄙甸也鄙野皆分縣以治
者及都家縣鄙不以詔王治註告王所○以德詔僉以
遺守土諸吏也

功詔祿以能詔事以久奠食

詔爵祿以己仕遷次言詔
事食就始仕受職言此四

句及下賜無常據畿內仕者德賢也食稍食也始仕但
給稍食亦多寡不同蓋能有高下事有易剝不能審悉
必久乃灼知其人而食可定也亦能而任事者食多否
則減矣註王制司馬辨論官材論進士之賢者以告於
王而定其論論定然後官之任官然後爵之位定然後
祿之按此與本經之義大別參之可也且此經無與司
馬王制漢人所撰與周制不合者多不足據也疏賢者
試其德堪用乃詔王授爵有功乃詔王授祿能者試之

以事事成乃定以稍食其
能堪用後亦授以正爵祿
品、○惟賜無常。註賜多少由王
不如食祿有常

正朝儀之位辨其貴賤之等。王南鄉。三公北面東上。孤東
面北上。卿大夫西面北上。王族故士虎士在路門之右。
南面東上。大僕大右大僕從者在路門之左。南面西上。
鄉許亮反。大僕從者之大音泰。從才用反。此王日臨
視之常朝也。朝士外朝之臣。孤與卿大夫皆西面。此常
朝諸侯不與。故卿大夫西面。而孤特東面也。公孤卿大
夫。王揖之。乃各就東西北面之位。若大僕等門左右南
面之位。則不待王揖而已。位於此。故鄭註以發在其位
別之。王南鄉。當路門外正南面而立。王族故士。王族人
爲士。及勳舊之裔爲士者。卽士庶子之士也。不云庶子。
正朝儀肅卑賤而數多。故不與也。虎士虎賁之士。言虎

士知虎賁氏帥之矣。王族故士亦當官伯帥之。文不及以下見上。門右皆守宮諸官。大僕非大僕。乃大駟以大僕兼該四僕。以大右兼該四右。大右官闕。大僕及從者大僕帥御僕御庶子皆在門左也。御庶子亦非士而同位。門左守南宮路寢與御僕同守路鼓也。大僕大右皆中大夫。王朝西尊於東。向外反是門左。東也。門右西也。以中爲王所由。故一東上一西上也。大僕與從者皆位門左。路鼓在門左也。此以上該下。門左皆王從官。○

司士擯孤卿特揖大夫以其等旅揖士旁三揖王還揖

門左揖門右。擯臂印反還音旋。註擯詔王出揖公卿大夫以下朝者特揖一一揖之。旅眾也。大

夫爵同者眾揖之。公及孤卿大夫始入門右皆北面東上。王揖之乃就位。士三揖者士有上中下。按三士位孤

卿大夫後從孤者東面從卿大夫者西面亦王揖之乃

各就位也。鄭氏據儀禮燕禮大射儀謂士始至皆東面立不知王朝位異於諸侯可以諸侯之士位例天子之士乎就旁揖推之殆左旁三揖右旁三揖始入仍北面

而左右分列也。先揖門左，尊也。次揖門右，卑也。前經先右者，王族故士虎士等從內出也。門左有中下大夫當二揖，三士則三揖。庶子等非士，亦貴族同，不命之士，或亦當揖。門右無中大夫，但四揖可矣。疏言孤卿舉輕明重，孤卿特揖，三公特揖，可知也。易彥祥曰：在王門左右者，位皆南向，在王後，故還揖之。大僕前，音泰。王文叔曰：○王入內朝，皆退。王入內朝，入路門，居前導王入也。○王入內朝，皆退。王入內朝，入路門，居即內朝，皆退。諸官反治事處也。王藻君日出而視朝，退適路寢聽政，王亦然。入內朝，亦以聽政。又曰：大夫退，然後適小寢釋服，始是罷朝。知王亦不異，王日視朝，皮弁服，臣同。

掌國中之士治，凡其戒令。

司士通掌羣臣之版，而專掌在士。然亦不能徧及，故國中之士

治掌之，國中之士治，除三等采地之士外，凡爲士者治功善惡，皆掌之。凡其戒令，凡士戒先事之戒令，執事之令。○掌擯士者，膳其摯。士摯雉，以位卑，不得於內朝見王，而即見於治朝，亦初受命而

始見也、擊則司士受之、歸於膳夫、

凡祭祀掌士之戒令、詔相其灋事、

相贊助也、士卑無專任、詔告之以贊助、令事皆

遵灋、○及賜爵呼昭穆而進之、

此據王族為士以下者言、異姓之士亦及、神惠必徧

而止言昭穆、重宗支也、祭統凡賜爵、昭為一、穆為一、昭與昭齒、穆與穆齒、凡羣有司皆以齒、疏、賜爵祭末旅酬

無算○帥其屬而割牲、羞俎豆、屬所屬中下士、割牲登俎、豆兼簋、若脯醢庶羞

羞羞諸所進者

凡會同、作士從、賓客亦如之、註、作士從、可

○作士適四方

使為介、使所吏反。使、王命士使諸侯也、註、春秋傳、天

王使石尚來歸賑、註、引傳、士使確據介、公卿大

大喪作士掌事

大喪事繁令士分掌庶有條不紊而事皆治辦此掌皆小事從卿大夫射人大喪作

卿大夫

○作六軍之士執披

註披柩車持棺者有紐以結之謂之戴當棺束於束

係紐天子諸侯戴柩三束大夫士二束喪大記君纁披六大夫披四前纁後元士二披用纁數兩旁言六耳其實旁三疏天子之喪用千人此云六軍者千人出自六軍愚謂此六軍中之爲士者如族師上士閭胥中士比

長下士皆是司士

○凡士之有守者令哭無去守

大喪防非

常南北宮內外朝城門皆置兵守令哭於所守之地而不得去嚴備也

國有故則致士而頒其守

故兵災致致之大司馬仍司士頒其守也前以大喪守此以兵

災守皆從卿大夫令無去守與頒守文互見

凡邦國三歲則稽士任而進退其爵祿

士諸侯之卿命於天子者貴不踰三

命於王朝稱士以其受王命而肩邦國之重故稽其任而進退之其他則登記於版而已進退弗與知也三歲彖宰大計之時言稽邦國則國中郊甸三采皆稽可知舉邦國以外見內也

○諸子掌國子之倅掌其戒令與其教治辨其等正其位

倅七內反○國子諸侯卿大夫士適子也倅副倅適子爲父副貳故曰倅諸子爲掌國子專官有事則戒令無事則教治教者教以道藝治者治以灋令辨等正位亦教治中事疏等才藝高下位朝天子依父蔭高下

國有大事則帥國子而致于犬子惟所用之

犬子之大音泰○大事凡

喪災寇禍及王出疆皆是令國子以宿衛備非常則帥致犬子惟所調用所謂守曰監國也

○若有

兵甲之事則授之車甲合其卒伍置其有司以軍灋治

之司馬弗正

正音征下同○此守禦巡等事也註國子屬犬子司馬雖有軍事不賦之按軍灋治

之尚嚴。○凡國正弗及。疏上文弗正謂兵賦此云國使用命。

大祭祀正六牲之體。立札載牲體時正之以樂事正位授

正其體也此宗廟大祭十二鼎俎者如九鼎如

凡樂事正舞位授舞器。舞者國子故諸子正其位授其器

羽簫武舞干鉞按小舞帔羽皇旄惟人舞無器黃文叔

日大胥合舞致諸子故諸子正舞位授舞器按司干授諸子而諸子授國子也

大喪正羣子之服位會同賓客作羣子從。上言國子此言羣子則并及其

庶兄餘弟矣大喪羣子皆入正服位嚴適庶之辨會同賓客作羣子從羣子皆學德行道藝令輔適且習事也

疏位殯宮外哭位服惟公卿大夫適子爲王斬衰與父同按大喪王族雖服斬而有別文王世子其公大事則

以服之精粗爲序，是斬衰之服，仍以本服之布爲之，自五升至十二升七升半，各不同也。王喪同，姓適子在五世內者，當準此。庶子已受一命者，亦準此。若未命者，仍以本服之布爲衰，而製同齊服，或七月葬後除之，疏屬及異姓適子及庶子已命者，服斬其未命庶子，或齊服七月，但經無明文，不敢斷也。

凡國之政事，國子存遊倅，使之脩德學道，春合諸學，秋合

諸射，以攷其藝而進退之。

國之政事，若大役、大田及小師、旅等事，存遊倅役使不及

令優游無事也。必優游無事，乃可令脩德學道。學，卽大司樂所掌之成均，周大學也。師氏不專教事，斷非太學合學合射皆學藝而有攷，因攷以進退，激勵勉勸之用也。註射，射宮。

○司右掌羣右之政令。

羣右，凡戎車之右也。李子華曰：戎右，齊右、道右。天子乘車之右，皆

中下大夫，非司右之屬。司右，兵車之右，用以征行。侵伐，故國中勇力者皆屬焉。有事，則取以爲右。

凡軍旅會同合其車之卒伍而比其乘屬其右

比毗志反屬音燭

疏司馬法二十五乘為偏百二十五乘為伍按卒步卒伍五人為伍也從車步卒七十二人計十四伍餘二人合車上甲士三人則一十五伍比其乘者或二十五乘之偏或百二十五乘之伍令連合如比鄰也屬其右者遇險即右下推車敵逼又右下戰令彼此相助若聯屬也

凡國之勇力之士能用五兵者屬焉掌其政令

五兵車上所用五兵

戈及戟載會矛夷矛若弓矢則車右不用

○虎賁氏掌先後王而趨以卒伍

賁音奔先細宴反後荷漏反王出將虎賁氏

居前後卒伍虎士八百人部分

○軍旅會同亦如之舍則守王閑

舍音敕

據軍旅亦先後王而趨以卒伍則虎賁氏帥虎士以戰亦列步隊矣註舍王出所止宿處閑帷恒

○王

在國則守王宮

註爲周衛按守南宮

國有大故則守王門大喪亦如之

註非常之難要在門疏大故兵災

○及

葬從遣車而哭

從如字。註遣車王魂所馮依按平時先後王故從遣車哭也

適四方使則從士大夫

使者愚謂衛士大夫使所吏反。註虎士從

○若道路

不通有徵事則奉書以使于四方

不通逢兵寇徵事徵師徵役徵諸侯也此

使卽虎士虎士以士稱亦有列位故

○旅賁氏掌執戈盾夾王車而趨左八人右八人車止則

持輪

盾常準反。註夾王車者下士十有六人中士爲之帥

凡祭祀會同賓客則服而趨

註服而趨夾王車趨也按祭祀會同賓客王皆冕服旅賁

周官心解

卷十九

夏官

旅賁氏飾服氏

十二

徑龜堂

中下士當爵弁以爵弁由冕差也。不言執戈盾統於經首介而趨準此。然司戈盾云祭祀授旅賁及則祭祀又似不執戈盾或司戈盾有訛字亦未可知。

喪紀則衰葛執戈盾

衰七雷反。註葛葛經按位卑服輕

軍旅則介而趨

註介被甲

○節服氏掌祭祀朝覲衾冕六人維王之大常

註服衾冕者從王服

王旌十二旒兩兩以纁綴連旁三人持之禮天子旌曳地按王朝覲亦服衾矣

○諸侯則四人

其服亦如之郊祀裘冕二人執戈送逆尸

註裘冕者從尸

服也裘大裘按冬至大神尸亦裘冕矣夏至大元去大裘註從車從尸車按郊祀有尸士師職祀五帝則沃尸是也神元通有尸先儒必云無尸非也節服氏八人二人送逆尸六人仍維大常仍衾冕

○方相氏掌蒙熊皮黃金四目玄衣朱裳執戈揚盾帥百
隸而時難以索室毆疫。相息亮反難乃多反。註時難四時難按此說與月令異存參
王氏曰凡陰陽之氣初則為利功成者退留則為裁月
令季春國門之讎曰畢春氣恐寒氣留也仲秋天子之
讎曰達秋氣恐暑氣伏也季冬大讎辟一歲邪惡之氣
也此氣宿留而中於物則為災為疫鬼物居聲氣之間
以主之故讎使蕩而不留

大喪先匱

先悉薦反。疏喪多凶邪故使之道也。

○及墓入壙以戈擊四隅

毆方良

方良音罔兩。註壙穿地中也方良罔兩也天子之椁柏黃腸為裏而表以石國語木石之怪

夔罔兩鄭剛中曰葬用木石久而變怪生始葬毆之厭勝之術

○大僕掌正王之服位出入王之大命

大僕之大音泰。服位居路寢之服

位正服冕弁諸服大僕隨所宜正之註位立處出大命王教入大命羣臣所奏行○掌諸侯之復逆復復王命逆請命諸侯尊故大僕掌之亦掌其傳達也

王眠朝則前正位而退入亦如之朝直遙反此位出路

路門道王也正位而退正王南面之位乃退立路門左也入亦如之王入路寢亦道王居前也

建路鼓于大寢之門外而掌其政大寢路寢門外即治朝

達窮與傳達亦擊之故建之正朝之所而使大僕帥御僕及御庶子同掌之云政則所關者鉅矣○以

待達窮者與遽令聞鼓聲則速逆御僕與御庶子窮窮

告若子弟死王事而其長匿之無丁壯不當調發而其長仍役之皆是窮民擊此鼓以達王所謂達窮也遽傳也遽令若驛馬軍書當急聞者亦擊此鼓也以達窮遽令擊路鼓御僕與御庶子即當供役大僕聞鼓聲速逆

此二官令受事也。序官御僕下士十二人不列御庶子。蓋王族故士之未命者從大僕守路鼓。故有庶子而無士位。卑畧之與守南。北宮士庶子稍別。

祭祀賓客喪紀。正王之服位。詔濩儀贊王牲事。註。牲事殺割七轂之

屬王光遠曰。濩見於度數者儀。見於動容者大僕以言告之。○王出入則自左馭而

前驅。前驅道引也。居左自馭不敢曠左所乘蓋王之先路。

凡軍旅田役贊王鼓。疏。軍旅田役王執路鼓。路鼓四面。王自擊其一。大僕佐擊一面。戎右擊一

面故二官。○救日月亦如之。註。日月食時春秋傳非日皆贊王鼓。○救日月亦如之。月之嘗不鼓疏。日食陰侵

陽當與鼓神祀同用雷鼓月食當用靈鼓。

大喪始崩戒鼓。傳達于四方。窆亦如之。窆彼驗反。戒鼓嚴鼓大喪非常嚴

鼓以警眾也。鄭司農云：窆葬下棺也。疏。傳達於四方，以鼓聲相傳聞達四方。○縣喪首服之

灋于宮門。

縣音懸。首服以首領衣，髻笄總廣狹長短有數，衰負辟領及布亦有灋。小宗伯縣衰冠

之式於路門，示男子大僕縣喪首服之灋於宮門，示婦人宮門在路寢后，則大僕兼南宮五小寢掌之矣。○

掌三公孤卿之弔勞。

勞力報反。疏：王合親往有故，使大僕也。

王燕飲，則相其灋。

相，悉亮反。下同。疏：燕飲與諸侯或羣臣燕，其灋有主獻賓酢主主酬賓洗

爵升降之灋，皆相助之。按燕於路寢，故大僕相其灋。然相亦相王受爵等事耳，與賓主無涉也。疏說非。

王射，則贊弓矢。

註：贊，授之受之。疏：此大射也。小臣職賓射掌事如大僕之灋。

王貺燕朝，則正位，掌擯相。

註：燕朝，朝於路寢之庭。按即內朝射人所掌。三公孤卿大夫臣

位，此所正。則王南面之位。射人不擯相而大僕擯相，聯職異事。王光遠曰：賓則相賓相，則助王。

王不眠朝則辭於三公及孤卿

註辭以王不眠朝告之

○小臣掌王之小命詔相王之小灋儀

小臣給事王路寢者註小命時事所

敕問小灋儀趨行拱揖之容按公卿白事王接之儀也此與天官內小臣職同內小臣掌后事此職王之

小事以王尊於后犬僕職其大也一給事后大寢一給事王大寢故同名小臣而位皆上士

○掌三

公及孤卿之復逆

三公孤卿復逆於路寢小臣爲之傳達不言大夫以卑畧也

正王之燕服位

路寢中不與諸臣接見之服位註玉藻王卒食元端而居

○王之燕出

入則前驅

註燕出入若游諸觀苑按以上五事皆由犬僕差降

大祭祀朝覲沃王盥

疏大祭祀天地宗廟皆是愚按鬱人凡祿事沃盥彼祭祀沃尸朝覲沃賓

此小臣專沃王盥與鬱人同職而異事況祭祀獻皆沃盥更不同於鬱人邪

小祭祀賓客饗食賓射掌事如犬僕之灋

亦正服位詔灋儀贊牲事贊射

也燕射亦贊王可知

○掌士大夫之弔勞凡大事佐犬僕

勞力報反。掌

弔勞亦由犬僕差降

○祭僕掌受命于王以眡祭祀而警戒祭祀有司糾百官

之戒具

王主百神不能徧及不親祭而領於有司者甚多然此職奉命眡祭戒於先糾於當祭反命又

分別而勞之誅之則王雖不親祭而奉神亦誠矣

○既祭帥羣有司而反命以

王命勞之誅其不敬者

勞力報反

大喪復于小廟

註小廟高祖以下也始祖曰犬廟愚謂當兼七世六世蓋夏采復犬廟此職復小廟

復於廟此外更無人也

凡祭祀王之所不與則賜之禽都家亦如之

與音預。王所不與諸侯

與王同出立先王廟者山川之祀掌於諸侯者亦當如之疏都家畿內三等采地按都家祭祀見都家宗人

凡祭祀致福者展而受之

註臣有祭祀致祭肉於君所謂歸胙也按此統王之所命不命

及賜禽不賜者言故凡之註犬牢以牛左肩臂臠折九介少牢以羊左肩七介特牲以豕左肩五介按展乃受

重王食也亦歸諸膳夫

○御僕掌羣吏之逆及庶民之復與其弔勞

羣吏大夫士也犬僕掌諸

侯復逆而公孤卿職其弔勞小臣掌公孤卿復逆而犬夫士職其弔勞此御僕所掌羣吏之逆斷爲大夫士矣羣吏第言逆位卑庶民乃亦有復卽犬僕之達窮聞鼓聲速逆御僕與庶子者也羣吏庶民死於王事有弔力於師役有勞王恩必周

大祭祀相盥而登

相悉亮反。註相盥者奉槃授巾登爲王登牲體於俎愚謂相盥佐小臣登佐

大僕贊

牲事也

大喪持翼

翼所甲反。翼棺飾也持之者夾王柩路后大喪女御持翼

掌王之燕令

註燕居時令按又降於小令

以序守路鼓

註序更

○隸僕掌五寢之埽除糞洒之事

此南宮五小寢也王常時寢息北宮遇禮時不

接婦人乃居此與宗廟無涉註以爲五廟之寢非蓋廟寢卽祔有守祔脩除黝堊非隸僕所掌也註汜埽曰埽

埽席前曰抗洒灑也鄭司農云洒當爲灑

祭祀脩寢

脩寢王將居此以散齊致齊也

○王行洗乘石

鄭司農曰乘石王所登上車之

石也○掌蹕宮中之事

鄭司農云蹕止行者清道按云宮中明是南宮五小寢

大喪復于小寢大寢。大寢即路寢小臣所職而大僕統其事者路寢合五小寢爲南宮六寢與宮人所掌別異

周官心解卷第十九終